

تروي لنا كربلا عن عظيم المنزلة

فاطم بالطف تحضر وقت وداع الأكبر

أقرا بفصول الفاجعة وحزن السما
يذبني موقف هالرواية المؤلمة
لمن وگسع لكبر خضيب من الدما
عل جتته إحسين من خيله ارتمى

حيرني تفسير الألم حجم المصاب
وشكك كذاب لحسين يتلوى بعذاب
ياربي شنهى منزلة ذاك الشهاب
وگلب السبب ما يحتمل منه الغياب

تمدد ويلي عل جثة الصريعة
تغيب الروح منه بهالفجعة
اعلى جسم الغالي محنية ضلوعه
وترد الروح مذهولة ومروعه

يگعد يكلمه بعبرته الهماله
ولكبر وجود بنفسه يصعب حاله
الله يعين حسين يا هي مصيبة
وينظر دماه مطشورة واوصاله

لحسين كلمة تحير افكار الدهر
شسر القداسة بهالدما وهذا النحر
ولأي مقام ابكربلا اختاره القدر
ومن هالذبيح اللي ترك هذا الاثر

ما يشعر بجرحه ودماه النازفة
مشغولة في ذكر الله روحه العارفة
يكفي علي الاكبر شبيهه المصطفى
نعي الأبو (بعذك على الدنيا العفا)

يلم اوصاله بدموعه الغزيرة
صرخ يبني عقب هذي الكسيرة
والاكبر يلفظ انفاسه الاخيرة
شريد آنا من الدنيا المريرة

تشعل روعي بجمرتك مضرومه
يوليدي ياللي حيرتني دمومه
مقدر اردك والحرم مالوممه
ومقدر اعوفك منصرع بالحوممة

تروي لنا كربلا عن عظيم المنزلة
فاطم بالطف تحضر وقت وداع الأكبر

لكبر علي من جنّة حسنين الثمر
رباه آية وطهره من طهر السور
تنقل روايات الحزن أفجع صور
اليوم ويأتي بحجر لحسين احتضر
عشان ويسمع بالفضا نوح النهر
وبلحظة الموت انكشف ليه البصر
تبسم ولحسين بـألم يتألمه
بحمد الله تترنم شفاهه الذابلية
عنده حضر جده وضمه وقبلاه
بشربة من الكوثر رواه وبلاه

يعايف روعي للدنيا بوحدتها ارتويت بشربة ما تظمي بعدها
لزينب جثتك وشلون اردها واحسها فارقت روعي جسدها

خابت أمالي يالفزت بظنونك
وتبرد بصدرك بيني نار شجونك
هون عليه مصابي يا ضي عيني
بشوفة رسول الله تقدر عيونك

اول قرايين الحسين بغربته
يتوجع ويدي الكلب من ننته
بحجر الابو المظالم يلوي رقبته
ولمن نظر لحسين هلت عبرته
بگابي شفت يا بويه شتي متحمله
كل صخرة لحزانك تنوح به الفلا
بگابي شفت أمي البتولة ذاهلة
تلطم بيويه لغربتك في كربلا

نسيت أمي والجرح ال بهضني وحزن امي .. ونسيت اعليها حزني
انا اللي عذب احساسني وفجعني نواعي الزهرة أه يحسين بيني

خذي بيويه الخيم بالعبرة
وخل امي تنظر همامتي المطبرة
خذي لزينب تشهد اعلى مصابك
وخل الحرم تبجي وتواسي الزهرة

تروي لنا كربلا عن عظيم المنزلة
فاطم بالطف تحضر وقت وداع الأكبر

لحظات يـنـازع بيها روحه تعالي
وظلمة يعيون حسين لا ما تنجلي
يحق للكاتب بالضيم والهـم يمـتـالي
لو يدري سر حسين والأكبر علي

بس زينب ال تعرف جلال المرتبة
هذي الغريبة الحـايرة لمعذبة
من صرخة الأكبر وهول النايبة
أم الخدر طلعت يـوـلي من الخبا

التفت إليها الغريب ودمعه ساچب يزنب رحي كلب حسين ذايب
أبد ما احتمل يا آية الصون تصد لشخصج عيون الأجانب

ردي يزنب منكب دلال علي
بشوفج نسيت امصاب ابني الغالي
خايني يمه هـذا وقت اوداعه
زهر العمر يا حسرة ما يبقـى لي